

БАТЛАВ.

ТӨВ АЙМГИЙН
БАЙГАЛЬ ОРЧНЫ ГАЗРЫН ДАРГА


Ж.БАТЦЭНГЭЛ

БАТЛАВ.

ТӨВ АЙМГИЙН БҮРЭН СУМЫН
ЗАСАГ ДАРГА


Д.ЭРДЭНЭЭ

ТӨВ АЙМГИЙН БҮРЭН СУМЫН “БҮРЭНГИЙН НУРУУ” АГНУУРЫН
БҮС НУТГИЙН МЕНЕЖМЕНТИЙГ ХЭРЭГЖҮҮЛЭХЭД
· ХАМТРАН АЖИЛЛАХ ГЭРЭЭ

№ 01

2014 оны 10 -р сарын 27-ны өдөр

Бүрэн сум

Нэг. Ерөнхий үндэслэл

Энэхүү гэрээг нь Амьтны тухай хуулийн 22-т заасныг үндэслэн Бүрэн сумын “Бүрэнгийн нуруу” бүс нутгийн агнуурын амьтны нөөцийг хамгаалах, амьдрах орчинг сайжруулах, агнуурын нөөцийг зохистой ашиглах замаар байгалийн нөөцийн хамтын менежментийн арга замаар Засгийн газрын 93 дугаар тогтоолоор батлагдсан Ховор амьтан агнах, барих тусгай зөвшөөрөл олгох журмын 2.4-т заасны дагуу эхний ээлжинд таван жилийн хугацаатай агнуурын бүс нутгийн менежментийн төлөвлөгөөг хэрэгжүүлэхээр байгуулав.

Хоёр. Гэрээний зорилго

Энэхүү гэрээний үндсэн зорилго нь агнуурын менежментийн төлөвлөгөөг үр дүнтэй хэрэгжүүлэхэд Төв аймгийн Байгаль орчны газар, Бүрэн сумын Засаг даргын Тамгын газар, “Бүрэнгийн нуруу” агнуурын бүс нутгийн менежментийг хариуцагч “Яагд энд Тур” ХХК-ний хоорондын харилцааг зохицуулахад оршино.

Гэрээ байгуулагч талууд гэрээнд тусгагдсан үүргийг биелүүлснээр Бүрэн сумын “Бүрэнгийн нуруу” агнуурын бүс нутгийн урт хугацааны менежментийн төлөвлөгөө амжилттай хэрэгжих нөхцөл бүрдэх болно.

Гурав. Гэрээ байгуулагч талууд

Энэхүү гэрээг дараах хуулийн этгээд харилцан тохиролцсны үндсэн дээр байгуулав.
Үүнд:

1. Төв аймгийн Байгаль орчны газар
2. Бүрэн сумын Засаг даргын тамгын газар
3. “Бүрэнгийн нуруу” ан агнуурын бүс нутгийн менежментийг хариуцагчаар ажиллах “Яагд энд Тур” ХХК болон “Бүрэнгийн нуруу” нөхөрлөл

Дөрөв. Гэрээ хүчин төгөлдөр байх хугацаа

Агнуурын бүс нутгийн менежментийг сайжруулахаар хамтран ажиллах энэхүү гэрээг 2019 оны 12 дугаар сарын 30 хүртэл байгуулав.

Тав. Гэрээг цуцлах

Гэрээг байгуулсан талууд хэрэв энэхүү гэрээг байгуулсан эрх зүйн үндэслэл бүхий хууль, журам, гэрээнд тусгагдсан үүрэг, хариуцлагыг зөрчсөн эсхүл биелүүлээгүй тохиолдолд гэрээг цуцлах саналыг аль ч тал бусад талуудад цуцлах саналыг бичгээр тавина. Гэрээг цуцлах асуудлыг талууд хэлэлцэн шийдвэрлэх бөгөөд гарсан хохиролыг нөхөн төлүүлэх асуудлаар шүүхэд хандан шийдвэрлүүлнэ.

Зургаа. Гэрээ байгуулагч талуудын үүрэг, хариуцлага

6.1. Төв аймгийн Байгаль орчны газар

6.1.1. "Бүрэнгийн нуруу" агнуурын бүс нутгийн нарийвчилсан зохион байгуулалтыг зохион байгуулах, агнуурын менежментийн төлөвлөгөө боловсруулах, хэрэгжүүлэхэд арга зүйн зөвлөгөө өгнө.

6.1.2. Агнуурын менежментийн төлөвлөгөөний хэрэгжилтэнд хяналт тавьж, удирдлага, зохион байгуулалтын туслалцаа үзүүлнэ.

6.1.3. Агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд идэвхитэн байгаль хамгаалагчийн эрх, үнэмлэх олгуулах ажлыг холбогдох байгууллагуудад тавьж шийдвэрлүүлнэ. Идэвхитэн байгаль хамгаалагч нарыг чадавхижуулах сургалтыг зохион байгуулна.

6.1.4. Хууль бус агнуурыг мэдээлийн дагуу шуурхай илэрүүлэн шийдвэрлүүлэх арга хэмжээг авна.

6.1.5. Агнуурын бүс нутгийн ан агнуурын менежментийн төлөвлөгөөнд үндэслэн дараа онд тусгай зөвшөөрлөөр агнах амьтны тоо хэмжээний саналыг батлагдсан агнуурын менежментийн төлөвлөгөө, менежментийг сайжруулахаар хийсэн энэхүү гэрээний талуудын саналыг үндэслэн Байгаль орчин, ногоон хөгжлийн яаманд хүргүүлнэ.

6.1.6. Агнуурын бүс нутгийн менежментийг хариуцагч Нөхөрлөлийн холбоог бэхжүүлэх, удирдлага, зохион байгуулалтыг сайжруулахад арга зүйн зөвлөгөө өгнө.

6.1.7. Агнуурын бүс нутагт ан амьтанд зориулсан бага оврын хөв, цөөрөм байгуулахад дэмжлэг үзүүлнэ.

6.1.8. Агнуурын бүс нутгийн амьтны тоо толгой, байршлийг тодорхойлох тогтмол судалгааны мэдээг гэрээ байгуулагч талаас авч аймгийн мэдээллийн санд нэгтгэнэ.

6.2. Бүрэн сумын Засаг даргын Тамгын газрын хүлээх үүрэг, хариуцлага

6.2.1. Ан агнуурын менежментийн төлөвлөгөөнд үндэслэн Амьтны тухай хуулийн 22.3-т заасны дагуу агнуурын бүс нутгийн хилийн цэсийг сумын Иргэдийн төлөөлөгчдийн хурлаар хэлэлцүүлэн батлуулна.

6.2.2. Агнуурын бүс нутагт мэргэжлийн байгууллагатай хамтран хийж гүйцэтгэсэн ан амьтны менежментийн төлөвлөгөөг үндэслэн тухайн жилд ахуйн болон тусгай зориулалтаар барих, агнуулах амьтны төрөл, тоо толгойг гэрээ байгуулагч талууд, агнуурын бүс нутагт харьяалагдах нутгийн иргэд, байгаль хамгаалах нөхөрлөлтэй санал солилцох хэлэлцүүлэг хийн тогтооно.

6.2.4. Энэхүү гэрээний 7.3-т заасан тоо хэмжээнд үндэслэн сумын татварын орлогод төлбөрийг төвлөрүүлж харин Байгалийн нөөц ашигласны төлбөрийн тухай хуулийн 18.1-д,

Ховор амьтныг агнах, барих тусгай зөвшөөрөл олгох журмын 6.6-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэх, нөхөрлөлийн холбоог бэхжүүлэх, байгалийн нөөцийн хамтын менежментийг сайжруулахад зарцуулна.

6.2.5. Агнуурын бүс нутгийн менежментийн төлөвлөгөөний хэрэгжилтэнд хяналт тавьж ажиллахын зэрэгцээ төлөвлөгөөний биелэлтийн тайланг сумын ИТХ-аар хэлэлцүүлж тодорхой удирдамж, чиглэлээр хангаж ажиллах болно.

6.2.6. Хууль бус агнуураас урьдчилан сэргийлэх сурталчилгааг зохион байгуулах, хяналт шалгалтыг хийнэ.

6.3. “Бүрэнгийн нуруу” агнуур бүс нутгийн менежментийг хариуцагч нар болох

“Яагд энд Тур” ХХК болон “Бүрэнгийн нуруу” нөхөрлөлийн холбоо хүлээх үүрэг хариуцлага

6.3.1. “Бүрэнгийн нуруу” агнуурын бүс нутагт 2014 оны 2 дугаар хагаст багтаан агнуур зохион байгуулалтын мэргэжлийн байгууллагаар нарийвчилсан агнуур зохион байгуулалтыг хийлгэсний үндсэн дээр тухайн агнуурын бүс нутагт ан амьтны менежментийн төлөвлөгөөг мэргэжлийн байгууллага, нутгийн иргэд, сумын ЗДТГ-тай хамтран боловсруулан Байгаль орчин, ногоон хөгжлийн ямаар батлуулна.

6.3.2. Агнуурын бүс нутагт амьтны тоо толгой, байршил нутгийн хэлбэлзлийг тогтоох зорилгоор идэвхитэн байгаль хамгаалагчийг сургаж чадавхижуулах, хээрийн судалгаа, хяналт шалгалт, сурталчилгаа хийх ажлуудад зориулан тодорхой санхүүжилтыг “Яагд энд Тур” ХХК “Бүрэнгийн нуруу” нөхөрлөлтэй хамтран гэрээний дагуу хариуцна.

6.3.3. Улирал бүр идэвхитэн байгаль хамгаалагчийн цуглуулсан агнуурын амьтны тоо толгой, байршлийн мэдээний анхан шатны мэдээллийг мэргэжлийн байгууллагаар дүн шинжилгээ хийлгэн хагас жил тутамд тайланг гэрээний талуудад хүргэнэ.

6.3.4. Хууль бус агнуурын улиралд байгаль орчны байцаагч, нутгийн иргэдийн оролцоотой хяналт шалгалт, сурталчилгааны ажлыг дэмжинэ.

6.3.5. “Ховор амьтан агнах, барих тусгай зөвшөөрөл олгох журам”-ын 4.6, 4.7-д заасан ховор амьтан агнах, барих гэрээний биелэлтийн тайланг аймаг, нийслэлийн байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлнэ.

6.3.6. Ангийн отог ажилуулах, жуулчинд үйлчлэх орон нутгийн үйлчилгээнд агнуурын бүс нутгийн иргэдийг татан оролцуулна.

6.3.7. Нутгийн иргэдийг зохион байгуулалтанд оруулж байгаль хамгаалах нөхөрлөл байгуулан бэхжүүлнэ.

6.3.8. Агнуурын бүс нутагт ургамал, мод бут тарьж ургуулсан, амьтан өсгөж үржүүлсэн болон хурын усыг хуримтлуулах замаар усан сан, цөөрөм байгуулсан тохиолдолд байгаль хамгаалах нөхөрлөлийн холбооны эзэмшилд хамаарна.

6.3.9. Байгаль хамгаалах жижиг төслүүдийг боловсруулан донор байгуулагат өгч шийдвэрлүүлнэ.

6.3.10. Агнуурын бүс нутгийн менежментийг хариуцагч нь байгалийн баялгыг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлнэ.

Долоо. Санхүүжилт

7.1. Ан амьтанд зориулсан хөв, цөөрөм байгуулах арга хэмжээний зардлыг оролцогч талууд харилцан тохиролцож санхүүжүүлнэ.

7.2 Энэхүү гэрээний 6.2.4-т заасны дагуу агнуурын амьтны төлбөрийн орлогын 50-аас доошгүй хувийг агнуурын менежментийн төлөвлөгөөг хэрэгжүүлэх, нөхөрлөлийг бэхжүүлэхэд зарцуулна.

7.3. Нөхөрлөлийн холбоо энэхүү гэрээний 6.3.1, 6.3.2, 6.3.4-т заасан үйл ажиллагааг өөрийн хөрөнгөөр хийж гүйцэтгэнэ.

Найм. Маргааныг шийдэх, хариуцлагын тогтолцоо

8.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

8.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2014 оны 10 -р сарын 27 - ны өдөр гарын үсэг зурж баталгаажуулж 5 хувь үйлдэв.

Гэрээ байгуулсан:

1. Төв аймгийн Байгаль орчны газрын биологийн төрөл зүйл хариуцсан мэргэжилтэн

2. Бүрэн сумын Засаг даргын тамгын газрыг төлөөлж

3. Агнуурын бүс нутгийн менежментийг хариуцагч "Ягд энд Тур" ХХК-ний захирал

Ц.БЯМБАХИШИГ

4. Агнуурын бүс нутгийн менежментийг хамтран хариуцагч "Бүрэнгийн нуруу" нөхөрлөлийн ахлагч

Д.МОНХЖАРГАЛ